

御批資治通鑑綱目

第二函
六冊

御批資治通鑑綱目卷十三

起甲戌漢獻帝興平元年。○凡十五年。盡戊子漢獻帝建安十三年。

興平元年春正月帝冠。○二月追尊母王夫人為靈懷皇

后。

有司奏立長秋宮。詔曰。皇妣宅兆未卜。何忍言後宮之選乎。於是三公奏改葬皇妣王夫人。追尊號曰靈懷

皇。集覽。長秋宮。皇后宮也。注見平帝元始三年。宅兆。墓穴也。兆。營域也。

劉備救陶謙。謙表備為豫州刺史。

陶謙告急於田楷。楷與備救之。備遂歸謙。謙表領豫州。屯小沛。曹操軍食亦盡。引兵還。

集覽小沛。高帝

本紀。沛豐邑人。李斐曰。沛。小沛也。孟康曰。後沛為郡。豐為縣。索隱曰。漢攻泗水為沛郡。治相城。故李斐以沛為

小。實實。張九韶曰。豫州刺史。漢初所置。領沛。潁川。汝南。沛郡。梁國。魯國。五郡。

夏四月。曹操復攻陶謙。還擊劉備。破之。陳留太守張邈迎

呂布以拒操。操還攻之。質實。

張邈、東平人。

曹操使荀彧、程昱守鄆城。復往攻陶謙。所過殘滅。還擊破劉備於鄆東。謙恐欲走歸丹陽。會張邈叛。操乃引還。初邈少時好游俠。袁紹及操皆與之善。及紹為盟主。有驕色。邈正議責紹。紹怒。使操殺之。操不聽。而邈終不自安。前九江守邊讓素有才名。操以其譏議已而殺之。由是兖州士大夫皆恐懼。陳宮剛直壯烈。內亦自疑。乃與邈弟紹共謀叛。操說邈曰。今天下分崩。雄傑並起。君以千里之衆。當四戰之地。撫劍顧眄。亦足以爲人豪。而反受制於人。不亦鄙乎。今州軍東征。其處空虛。呂布壯士善戰。無前。若權迎之。其牧兖州。觀天下形勢。以俟時事之變。此亦縱橫之一時也。邈從之。遂迎布爲兖州牧。或知邈爲亂。卽勒兵設備。急召東郡守夏侯惇於濮陽。布遂據濮陽。豫州刺史郭貢率衆數萬來至城下。或言與布同謀。貢求見彧。彧將往。惇曰。君一州鎮也。往必危。彧曰。貢與邈等。分非素結也。今來速計。必未定。及其未定。說之。縱不爲用。可使中立。若先疑之。彼將怒而成計。貢見彧。無懼意。謂鄆城未易攻。遂引兵去。是時兖州郡縣皆應布。唯鄆城范東阿不動。降者言宮欲自將取東阿。又使汜疑取范。彧謂昱曰。今舉州皆叛。唯有此三城。宮等以重兵臨之。非有以深結其心。三城必動。君民之

望也。宜往撫之。昱乃歸。過范。說其令靳允曰。聞呂布執君母弟妻子。孝子誠不可為心。今天下大亂。英雄並起。必有命世。能息天下之亂者。此智者所宜斟酌也。夫布。兇中少親。剛而無禮。匹夫之雄耳。宮等以勢假合。不能相君也。曹使君智畧不世出。殆天所授。君必固范。我守東阿。則田單之功可立。孰與違忠從惡。而母子俱亡乎。允流涕許之。遂殺氾嶽。勒兵自守。徐衆曰。允於曹公未成君臣。母至親也。於義應去。衛公子開方仕齊。積年不返。管仲以為不懷其親。安能愛君。是以求忠臣必於孝子之門。允宜先救至親。徐庶母為曹公所得。劉備遣庶歸北。欲為天下者。恕人子之情也。曹公亦宜遣允。○昱又遣別騎絕倉亭津。宮不得渡。至東阿。令棗祇已拒城堅守。卒完三城。以待操。布攻鄆城。不能下。西屯濮陽。操曰。布不能據東平。斷亢父泰山之道。乘險要我。而乃屯濮陽。吾知其無能為也。乃進攻之。

集覽

鄆城正義曰。鄆音絹。鄆城。衛地。秦屬東郡。漢為濟陰鄆城縣。今濮

州治鄆城。濮陽。地理志。東郡濮陽縣。古昆吾國。今濮州是。屬濟寧等分。等閑交分也。分去聲。范。縣名。屬東郡。案東郡。今東昌府是。東阿。注見周烈王六年。阿。氾嶽。氾姓也。注見桓帝建和元年。氾宮。氾中少親。氾與惛粗通。注見秦王政二十二年。惛中而不信人。田單之功。田單齊諸用疏屬也。燕破齊。單走。卽墨。卽墨大夫戰死。城中

相與推單爲將。以拒燕卒。復齊七十餘城。開方。按呂氏春秋云。開方。姓名也。令棗祇屬下句。棗祇。東阿縣令也。祇音脂。按潁川文士傳。棗氏本姓棘。因避難改焉。東平本魯附庸。須句國。秦屬碭郡。漢置東平國。隋置鄆州。宋陞東平府。元父注見周顯王三十六年。**正誤**貢與邈等。分非素結也。今按人其交分非素相結者。當**質實**一統志云。荀彧潁川潁於等字句絕。分字屬下句。陰人淑之孫。程昱東阿人。鄆城縣名。注見周烈王六年。鄆縣名。注見秦二世二年。丹陽郡名。注見明帝永平十一年。夏侯惇沛國譙人。濮陽縣名。注見周安王五年。范漢之縣名。屬東郡。晉屬東平國。北齊廢。隋復置。屬濟北郡。唐初於縣置范州。尋廢。以縣屬濟州。貞觀中。改屬濮州。宋金元仍舊。本朝因之。改屬東昌府。田單臨淄人。齊湣王時。爲臨淄縣掾。燕伐齊。盡降齊城。惟莒卽墨不下。卽墨人謂其智。立爲將。拒燕。單用火牛大敗燕師。盡復齊七十餘城。迎立襄王於莒。王封單爲安平君。東平。漢之國名。取禹有東原底平之義。卽春秋時須句國也。後爲濟東國。又改大河郡。東漢仍爲東平國。後魏爲東平郡。後周置魯州。隋置鄆州。後改東平郡。唐復鄆州。天寶初。改東平郡。元和置天平軍。宋徙治州故城。政和初。改東平府。元改爲東平路。本朝復改爲府。後降爲州。以須城縣省入。改

屬充
州府。

五月將軍郭汜樊稠並開府如三公。**考證**當作郭汜樊稠。自開府如三公。

○謹按漢書李傕與郭汜樊稠皆董卓故將卓既誅傕與汜稠等以兵入長安脅制天子共秉朝政開府與三公合為六府並參選舉是時漢室衰微紀綱廢壞其開府也豈獻帝之意哉當本凡例依范史直以自為書之故當去將軍號書曰郭汜樊稠自開府如三公。

書法不書以其專也。據下楊定張濟書以。

○六月分凉州置雍州。

河西四郡以去凉州治遠隔以河寇求別置州詔以邯鄲商為雍州刺史。**集覽**邯鄲商邯鄲復姓商名也。

風俗通曰邯鄲因國為姓也。**質實**凉州注見唐中宗景龍二年。

京師地再震。

書法地震京師非小變也順帝嘗書之矣於是復書而一月至再焉終綱目書地震一百一。一歲再

震十二。詳元帝初元三年。而一月再震二。桓
帝建和三年。是年。獻皆見於京師。非桓比矣。

○是月晦。日食。○秋七月。以楊定爲將軍開府。○自四月
不雨。至於月。

穀一斛直錢五十萬。長安中人相食。帝令侍御史侯汶
出太倉米豆爲貧人作糜。餓死者如故。帝取米豆各五
升。於御前作糜。得二盆。乃
杖汶五十。於是悉得全濟。

九月。曹操攻呂布。不克。還走鄆城。

呂布有別屯在濮陽之西。曹操夜襲破之。布至搏戰。相
持甚急。司馬典韋將應募者進當之。矢至如雨。韋不視。
謂等人曰。虜來十步。乃白。曰。十步。又曰。五步。乃白。等人
懼。疾言虜至。韋持戟大呼而起。所抵無不應。手倒者。操
乃得引去。遂入濮陽。燒其東門。示無反意。及戰。軍敗。布
騎得操而不識。釋之。操突火而出。進復攻之。與布相守
百餘日。糧盡。各引去。操還鄆城。布屯山陽。袁紹使人說
操。欲使遣家居鄆。操將許之。程昱曰。意者將軍始臨事
而懼。不然。何慮之不深也。夫袁紹有并天下之心。而智
不能濟也。將軍自度能爲之下乎。今兖州雖殘。尚有三

城能戰之士不下萬人以將軍之神武與文若昱等收而用之霸王之業可成也願將軍更慮之操乃止

覽 襲破春秋傳有鐘鼓曰伐無鐘鼓曰侵輕曰襲注襲掩其不備也輕去聲等猶言衆人也神武與文蔡

氏書傳曰聖而不可知謂之神威之可畏謂之武英華發外謂之文霸王國語注霸把也把持諸侯之權也王

于况反太玄經曰五行用事者王

正誤

以將軍之神武與文若昱等收而用之今按集覽以神威文爲

三德似於文字句絕非也文若乃荀彧之字與文二字當屬下句

質實

典韋陳留人山陽郡名注見晉

帝奕太和四年鄴縣名注見漢獻帝建安十五年

劉焉卒以其子璋爲益州牧

天火燒縣竹城劉焉徙治成都疽發背而卒州大吏趙

違等貪焉子璋溫仁其士以爲刺史詔以爲益州牧

集覽

縣竹注見漢光武建武十二年

質實

成都縣名注見漢帝立更始二年益州注見晉武帝泰始

年

書法

不書官何罪焉也自是牧鎮卒皆不書官以爲無上也故於其卒也壹削之

陶謙卒。劉備兼領徐州。

謙疾篤。謂別駕麋竺曰。非劉備不能安此州。謙卒。竺率州人迎備。備未敢當。曰。公路四世五公。海內所歸。今近在壽春。君可以州與之。典農校尉陳登曰。公路驕豪。非治亂之主。今欲為使君合步騎十萬。上可以匡主濟民。下可以割地守境。若使君不見聽許。登亦未敢聽使君也。北海相孔融謂備曰。袁公路豈憂國忘家者耶。家中枯骨。何足介意。今日之事。百姓與能。天與不取。悔不可追。備遂領徐州。

集覽

百姓與能。易繫辭。人謀鬼

謀。百姓與能。韓康伯注。人謀。况議於眾以定失得也。鬼謀。况寄卜筮以考古占也。故百姓與能。樂推而不厭。按程朱二先生傳義。與音預。朱氏附錄曰。百姓與能。言他無知。因卜筮便會做得事。便是與能。

正誤

百姓

與能。今按與字。易說有土去二音。孔融所引。則當如字。劉備言可以徐州與袁術。融等不從。故云今日之事。百姓視能者。而與之。

質實

廉竺。東海朐人。公路。袁術表字。四世五

公。謂袁安為司空。又為司徒。子敞為司空。孫湯為太尉。曾孫逢為司空。孔融。魯人。孔子二十世孫。

書法

於是州人迎備。備推袁術。眾不可。遂領徐州。則非有詔命也。曷為不稱自。據袁紹袁術書自領。

綱目於劉侁多恕辭正也。

馬日磾卒於壽春

初日磾與趙岐俱奉使至壽春。岐守志不撓。袁術憚之。日磾頗有求於術。術借節視之。因奪不還。求去不遣。日磾嘔血而死。

質實

趙岐長陵人。壽春縣名。注見秦王政六年。

書法

日磾何太傳也。然則曷為不書官。使失節也。於是日磾奉使和解關東。袁術詐奪其節。是辱命也。故書卒於壽春而削其官。東漢自收鎮外。卒不書官者三。單超。日磾。荀攸。終綱目。卒以地者四。日磾。管寧。太傳越。楊復光。惟

日磾太傳越為譏辭。

發明

劉焉貪圖非望。奢僭不臣。日磾奉使無狀。失節屈身。故皆書卒而削去其官。

袁術表孫策為懷義校尉

初孫堅娶錢塘吳氏。生四男。策。權。翊。匡。及一女。堅從軍於外。留家壽春。策年十餘歲。已交結知名。舒人周瑜與策同年。亦英達。風成。自舒來造。推結分好。勸策徙居舒。推道南大宅與策。升堂拜母。有無通共。及堅死。策年十

七還葬曲阿。已而度江居江都。結納豪俊。有復讐之志。術士策舅吳景領丹陽太守。從兄賁為都尉。策往見術。涕泣言曰。亡父昔從長沙入討董卓。與明使君會於南陽。同盟結好。不幸遇難。勲業不終。策感惟舊恩。欲自憑結。願明使君垂察其誠。術甚奇之。然未肯還其父兵。謂曰。丹陽精兵之地。可往召募。策遂迎其母詣曲阿。依舅氏。召募得數百人。為涇縣大帥。祖郎所襲。幾至危殆。於是復往見術。術以堅餘兵千餘人還策。拜懷義校尉。許以為九江太守。已而更用陳紀。又使攻廬江太守陸康。謂曰。今若得康。廬江真卿有也。策攻拔之。術復用其故吏劉勲。策

集覽

錢塘九域志。昔吳都為潮水所損。州人益失望。華信出私錢築塘捍潮。因號錢塘。隋置

杭州。宋陞臨安府。曲阿鎮。江志云。丹陽古雲陽縣也。秦時亦言其地有天子氣。始皇鑿北坑以敗其勢。截直道。使阿曲。因名曰曲阿。江都禹貢揚州也。漢景帝置江都國。武帝更廣陵郡。隋復為揚州。從兄賁。策之從兄名賁。賁音奔。長沙。策之父堅嘗為長沙守。涇縣。注見明帝永平十三年。

正誤

從兄賁。今按孫賁字伯陽。周易。

山下有火。賁為文明。

質實

一統志云。錢塘秦之縣名。屬會稽郡。漢為會稽西郡都尉

治所。東漢縣省。晉復置。屬吳郡。陳於此置錢唐郡。隋為杭州治。唐改唐為塘。宋元仍舊。本朝因之。改屬杭州。

以劉繇爲揚州刺史。

府。舒。古之國名。春秋時羣舒叛楚。卽此地。秦屬九江郡。漢初改爲龍舒縣。地屬廬江郡。後改爲舒縣。宋齊因之。唐開元中。於故舒置舒城縣。屬廬州。宋元仍舊。本朝因之。改屬廬州府。曲阿。秦之縣名。屬會稽郡。漢屬吳郡。三國。吳復改雲陽。晉復改曰曲阿。屬毘陵郡。梁屬蘭陵郡。隋屬江都郡。唐武德初。於縣置雲州。又改簡州。尋廢州。以縣屬潤州。天寶初。改名丹陽縣。宋元仍舊。本朝因之。改屬鎮江府。江都。漢之縣名。屬廣陵國。晉屬廣陵郡。隋屬江都郡。唐始爲揚州治所。復析置江陽縣。南唐以江陽省入廣陵。宋復省廣陵入江都。治州城南隅。元徙治北關外。後廢之。本朝復置江都縣。改屬揚州府。長沙。秦之郡名。治臨湘縣。漢改爲長沙國。東漢復爲長沙郡。三國時。初屬蜀漢。後屬吳。晉於此置湘州。劉宋復爲長沙國。南齊復爲長沙郡。隋初廢郡置潭州。後復爲長沙郡。唐改置潭州。天寶初復爲長沙郡。中和初置欽化軍節度。五代。唐爲長沙府。宋置防禦使。復置武安軍。元改爲潭州路。本朝初改爲潭州府。後改爲長沙府。隸湖廣道。九江。郡名。注見秦王政六年壽春。陳紀。潁川許人。寔之子。廬江。國名。注見景帝四年。陸康。吳郡人。

絲。岱之弟也。素有盛名。詔用為揚州。以袁術已據壽春。欲南渡江。吳景孫貢迎置曲阿。久之。絲以景貢本術所置。迫逐之。景貢退屯歷陽。絲遣將屯橫江以拒之。**集覽**。歷陽。正義曰。今淮西和

南子云。歷陽之都。一夕而為湖。即此橫江。即橫塘也。金陵覽古曰。自江口沿淮築堤。謂之橫塘。李白詩。人言橫

江好。我道橫江惡。一風三日吹倒山。白浪高於死棺閣。即此。輿地記。橫江浦在和州界。對江南之采石。往來濟

渡。處。質實。劉繇。字平人。張九韶曰。揚州刺史。漢之所置。領盧江。九江。會稽。丹陽。豫章。六安。六郡。又詳見秦

王政六年。壽春。歷陽。縣名。注見。中帝永嘉元年。一統志云。橫江。在和州城東南二十五里。直江南采石渡處。

二年春正月。曹操敗呂布於定陶。**質實**。定陶。縣名。注見秦二世二年。

即拜袁紹為右將軍。**質實**。袁紹。汝南汝陽人。安四世孫。

書法。非三公未有書。即拜者。據張溫。劉虞。皆太尉大司馬。右將軍直書。即拜何。議也。紹不勤王而漢

就拜之。書即拜。所以媿紹也。

○二月。李傕殺樊稠。攻郭汜。劫帝入其營。

董卓初死。三輔民尚數十萬戶。傕等放兵劫掠。加以饑饉。二年之間。民相食略盡。李傕郭汜樊稠矜功爭權。傕以稠勇而得衆。忌之。請稠會議於坐。殺之。由是諸將轉相疑貳。傕汜各治兵相攻。傕遂將兵圍宮。以車三乘迎帝。放兵入掠宮人御物。并取金帛。遂放火燒宮殿。官府居民悉盡。帝復使公卿和傕汜。汜留太尉楊彪。大司農朱儁等十人。以爲質。儁憤懣發病死。質實。楊彪華陰人。震之子也。

夏四月。立貴人伏氏爲皇后。○郭汜攻李傕。傕遷帝於北

塢。

郭汜議攻李傕。楊彪曰。羣臣共闔。一人劫天子。一人質公卿。可乎。汜怒。欲手刃之。彪曰。卿尚不奉國家。吾豈求生邪。汜乃止。傕召羌胡數千。以御物與之。許以宮人。欲令攻汜。汜遂將兵夜攻傕門。矢及帝帷。傕復移乘輿幸北塢。使校尉監塢門。內外隔絕。侍臣皆有飢色。帝求米及牛骨以賜左右。傕以臭牛骨與之。司徒趙溫與傕書曰。公前屠陷王城。殺戮大臣。今爲睚眦之隙。以成千鈞之讐。朝廷欲令和解。詔命不行。而復欲轉乘輿於黃白城。此誠老夫所不解也。於易。一爲過。再爲涉。三而弗改。滅其項。凶。不如早共和解。傕大怒。欲殺溫。其弟應諫之。

數日乃止。閏月帝使謁者僕射皇甫郛和催汜。郛先詣汜。汜從命。又請催。催不肯。曰。君觀吾方畧。士衆足辦郭多否。多。又劫質公卿。而君苟欲左右之邪。郛曰。近者董公之強。將軍所知也。呂布受恩而反圖之。此有勇而無謀也。今汜質公卿而將軍脅主。誰輕重乎。張濟與汜有謀。楊奉知將軍所爲非是。將軍雖寵之。猶不爲用也。催呵之出。郛詣省門。白催不肯奉詔。辭語不順。帝恐催聞之。亟令郛去。集覽。北塢山陽公載南塢。李催在北塢。駢毗注。見周赧王五十六年。黃白城正義曰。在弘農郡。於易一爲過。再爲涉。三而弗改。滅其頂凶。於易爲句。易謂周易也。易大過卦。過涉滅頂。凶。無咎。伊川傳曰。以陰柔處過極。是小人過常之極者也。小人之所謂大過。非能爲大過人之事也。直過常越理。不恤危亡。履險蹈禍而已。如過涉於水。至滅沒其頂。其凶可知。小人狂躁以自禍。蓋其宜也。復將何尤。故曰無咎。足辦郭多否。郭多。卽郭汜也。史昭曰。汜一名多。催謂汝以我之方畧。我之士衆觀之。可勝郭汜否乎。左右之。左右讀曰佐。佑助也。

李催自爲大司馬。○曹操攻拔定陶。呂布走歸劉備。留廣陵太守張超守雍丘。

呂布將薛蘭李封屯鉅野曹操攻之斬蘭等操以陶謙已死欲遂取徐州還乃定布荀彧曰昔高祖保關中光武據河內皆深根固本以制天下進足以勝敵退足以堅守故雖有困敗而終濟大業將軍本以兗州首事且河濟天下之要地是亦將軍之關中河內也不可以不先定今分兵東擊陳宮以其間收熟麥一舉而布可破也若舍而東多留兵則不足用少留兵則布乘虛寇暴民心益危是無兗州也若徐州不定將軍當安所歸乎且謙雖死徐州未易亡也彼懲往年之敗必堅壁清野以待將軍攻之不拔畧之無獲不出十日則十萬之衆未戰而自困耳前討徐州威罰實行其子弟念父兄之耻必無降心就能破之尚不可有也夫事固有棄此取彼者以大易小可也以安易危可也權一時之勢不患本之固可也今三者莫利願將軍熟慮之操乃止布復與陳宮將萬餘人來戰操兵皆出收麥在者不能千人屯西有大隄操隱兵隄裏出半兵挑戰既合伏發大破之攻拔定陶分兵平諸縣布東奔劉備張邈從之留弟超守雍丘布見備甚尊敬之請備於帳中坐婦牀上令婦向拜酌酒飲食各備爲弟備見布語言無常外然之而內不悅

集覽 鉅野括地志云鄆州有鉅野縣禹貢大野既豬蔡氏傳曰大野澤名地志在山陽郡鉅野縣北今濟州鉅野縣是鉅卽大也何承天曰鉅野廣

大南導洙泗。北連清濟。兖州首事。操初舉義兵於陳留。故以兖州為首事。河濟。注見周安王十五年。定陶。注見

秦二世。質實。廣陵郡名。注見武帝元朔五年。淮南國。張

一統志云。鉅野。漢之縣名。屬山陽郡。晉屬高平國。後罷

隋復置。屬東平郡。唐置麟州。治此。尋廢州。以縣屬鄆州。

五代。周於此置濟寧州。宋因之。金徙州治任城縣。省鉅野

入鄆州。元初為濟寧路治。後徙路治任城。而此縣屬焉。

本朝因之。改屬兖州府。徐州。注見秦始皇二十八年。彭

城關中。注見漢王邦元年。河內。郡名。注見桓帝延熹九

年。兖州。禹貢九州之一。春秋時為魯國。戰國屬楚。秦為

薛郡。漢為魯國。及泰山山陽郡地。東漢為任城國。山陽

泰山郡地。兼置兖州。晉改為魯郡。劉宋元嘉末復置兖

州於瑕丘北。齊改為任城郡。隋置郡為兖州。大業初改

為魯郡。唐為兖州。天寶初又為魯郡。乾元初復為兖州。

軍開府

六月。將軍張濟迎帝東歸。秋七月。發長安以濟為驃騎將

初復為兖州。隸濟寧路。本朝陞為兖州府。屬山東道。

改為襲慶府。金初為兖州。復為秦寧軍。又改秦定軍。元

初復為兖州。隸濟寧路。本朝陞為兖州府。屬山東道。

後陞秦寧軍。五代。周復為州。宋初復為秦寧軍。重和初

改為襲慶府。金初為兖州。復為秦寧軍。又改秦定軍。元

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。

初復為兖州。隸濟寧路。本朝陞為兖州府。屬山東道。